



## MPO Aanwyser 4/Maart 2020

### ONTHOU FEBRUARIE HET 'N EKSTRA DAG GEHAD

Ongeprosesseerde melkproduksie vir Februarie 2020 word geskat op 249 miljoen liters, 1,29% meer as in Februarie 2019 (Bron: Melk SA). **Ten einde die melkvloei van Februarie 2020 te vergelyk met die melkvloei in Februarie 2019 moet die aantal dae vir Februarie 2020 egter aangepas word na 28 dae.** Die berekende Februarie 2020 melkproduksie vir 28 dae is 240 miljoen liters, 2,2% minder as in Februarie 2019. Indien die daaglikse produksie tussen Februarie 2020 en Februarie 2019 vergelyk word, verminder die daaglikse produksie van 8,774 miljoen liter na 8,581 miljoen liter in Februarie 2020.

Die negatiewe groei in Februarie 2020 is direk gekoppel aan die negatiewe ekonomie van ongeprosesseerde melkproduksie wat aan die orde van die dag was vir 'n groot deel van 2018, die hele 2019 en steeds teenwoordig is in 2020. Teen die agtergrond, het melkboere kostes gesny waar moontlik en is onderhoud uitgestel in 'n poging om in produksie te bly. In die proses is toekomstige kapasiteit en die veerkrachtigheid van die sektor ingeboet, wat tot gevolg het dat winsgewindheid steeds negatief is, terwyl voerbanke en reserves uitgeput is.

Die melk:voerprysverhouding was vir 'n lang tyd in 2019 onder 1,4:1 en die afgelope drie maande onder 1,2:1, wat geleei het tot die stagnering van die primêre bedryf in 2019 en 2020 en ter bevestiging dien van die swak ekonomie in ongeprosesseerde melkprodukise. Indien die voerkoste in Maart op dieselfde vlak bly as in Februarie, gaan die verhouding verbeter na 1,26:1 as gevolg van die hoër produsentepryse soos aangekondig is in Maart. Hierdie verbetering is egter te gering om die ekonomie van ongeprosesseerde melkproduksie genoegsaam te verbeter ten einde produksie te stimuleer.

**Bertus van Heerden, hoofekonom, Melkprodusente-organisasie (MPO)**